



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

VI. Asiæ proconsularis metropolis, Ephesus. Provincia ecclesiastica fuit ipsis Apostolorum temporibus; ex Apocalypso Ioannis, ex D. Paulo, ac etiam ex Actis Apostolorum.

**urn:nbn:de:hbz:466:1-15617**

fuit Ephesus. Nam quod ad Galatiam attinet, quæ provincia Romana erat, cuius metropolis Ancyra, sanctus Paulus in universum scribit ad Ecclesias Galatia. Hinc itaque factum ut ob epistolam illam ad Galatas & per consequentiam ad cives metropolitanas civitatis Ancyra à Paulo scriptam, urbis illius Ecclesia apostolica dicatur à veteribus; quemadmodum legitimus in epistola Papæ Iulij ad Orientales, quæ extat apud Athanasium. In diversis quinque locis epistolarum D. Pauli deprehenditur distributio Ecclesiarum in provincias, veluti Ecclesiarum Macedoniae & Ecclesiarum Asiae; & quod magis notandum est, in epistola ad Romanos, provinciarum Macedoniae & Achaiae nomine comprehenduntur Ecclesiae illarum provinciarum.

V. Superest nunc ut probemus aliam observationem, nimirum Apostolos, quum Ecclesias distribuerent in provincias, in animo habuisse ut in iis corpus Episcoporum statueretur sub praesidentia Episcopi metropolae. Evidens ejus rei argumentum extat in epistola Pauli ad Titum; ubi scribit se illum reliquisse Cretæ, ut constitueret Presbyteros per civitates. Ecce Metropolitanus institutionem. Atque is quidem haber auctoritatem ordinandi Presbyteros, id est, Episcopos, juxta interpretationem ipsius inter Pauli in versiculo sequente, sancti Hieronymi, sancti Ioannis Chrysostomi, & aliorum veterum; ita tamen ut eos ordinet in unaquaque urbe,  $\chi^{\text{v}}$  πόλιν. Ecce integrum consilium politiae ecclesiastice. Episcopi in urbibus provinciæ, qui ab uno quodam Episcopo ordinantur, quamvis cum consortio suorum collegarum, per impositionem manuum presbyteri. Universi quidem Episcopi manus imponunt Episcopo; sed unius tantum competit jus tribuendi vim ordinationi, veluti Tito apud Cretam, & ad exemplum illum, unicuique Metropolitanus in sua provincia. Creta porrò provincia erat Imperii Romani; cujus metropolis erat Gortyna, quæ prærogativam illam semper in Ecclesia servavit.

VI. Asia proconsularis, quæ vigesima tantum pars erat ejus quam Strabo & Geographi nuncupant Asiam minorem, provincia item Imperij erat; cuius metropolis erat Ephesus, ut habetur apud Vlpianum. Illic Apostoli constituerant corpus Episcoporum in modum provinciæ; quemadmodum colligitur ex capite primo Apocalypses, ubi literæ scriptæ sunt septem Angelis vel septem Episcopis Asiae, quorum unus erat Ephesinus. Haud absimili instituto Paulus instruens Asianos, epistolam suam scribit ad

Ephesios, que Asia metropolis est; ut adnotat sanctus Ioannes Chrysostomus in suis ad epistolam illam commentariis. Sed & in Actis legimus Apostolum Episci commemoratum esse per biennium, atque illic erudiisse in fide Iudeos & Gentiles Asiae, adeo ut Demetrius aurifex, instituta adversus illum accusatione, asseveraverit eum innumeram hominum multitudinem in errorem traxisse, non solum ex civibus Ephesi, sed ex Asia universa. Recepit itaque Paulus apud Miletum consistens, convocatis Presbyteris Ephesi, dixit: *Vos scitis quia à prima die qua ingressus sum in Asiam, & cetera quæ sequuntur.*

VII. Nobile argumentum metropolitici juris à Paulo observati colligitur ex epistola ejus ad Corinthios. Vrbs illa metropolis erat Achaia, ut Florus adnotavit. Ideo igitur Paulus epistolam suam ad Corinthios scribit, non solum pro illis, sed etiam pro fratribus qui sunt in Achaia. Typus hec est provincia ecclesiastica sub sua metropoli constituta, ad exemplum Imperij: siueordo in Achaia viguit, Corinthusque semper habita est metropolis ecclesiastica Achaiae, quandiu Christi nomen illic in honore fuit. Neque dubito quin vel unicum illud exemplum sufficiat ad ostendendum divisionem provinciarum ex institutione apostolica esse. Sed tamen præterea epistola ejusdem Pauli ad Thessalonenses scripta est pro illis & pro fratribus qui sunt in Macedonia, quod urbs illa esset metropolis civilis Macedoniae. Affirmare igitur licet, sic Christianorum curam gesisse Apostolum, tanquam jam in corpus provinciæ distributorum, sub metropoli Thessalonicensi, quæ dignitatem suam retinuit in laterculo Ecclesiæ. Non me later, Ecclesias illas, de quibus sermonem institui, magna apud priscos auctoritatis fuisse, ob hoc quod essent apostolicae, hoc est, ab Apostolis fundatae; apud quas existimaverunt verae fidei traditionem fuisse conservatam. Sed aliud mihi nunc onus incubit; neque aliud in præsentiarum ostendere cupio quam id fuisse Apostolorum consilium, ut Ecclesias in provincias searent. Consilium illud non latuit Tertullianum; qui in libro de Prescriptionibus hereticos ad traditionem apostolicarum Ecclesiarum vocans, hæc ait: *Proxima est tibi Achaia? habes Corinthum. Si non longe es à Macedonia; habes Philippos, habes Thessalonenses. Si potes in Asiam tendere; habes Ephesum. Si autem Italia adiaces; habes Romanos, unde nobis quoque auctoritas presta est. Episcopum Carthaginis fuisse caput provinciarum Africae & Numidiæ, & Galliarum Hispanie.*

*Act. c. 19. & 19.*

*Florus lib. 1. c. 16.  
Cor. c. 1.  
Ecclesia 'Dri gæ  
ep' Corinthi, cum  
omnibus sanctis  
qui sunt in unde  
verba Achaiae*

*Ep. 1. ad Theftai  
Ion. c. 43*

*Pide in p. lib. 7.  
cap. 4. 5. 7. 8.  
Ep. cap. 16. 5. 6. 8.  
Gf. 12.*

*Fulst. ad Gal.  
lib. 1. c. 1. Cor.  
c. 14. nemine  
collectum que  
sunt in Ecclesiis  
Galat.*

*Cor. c. 8. 1.  
Cor. c. 16. Rom.  
c. 11. Presbyteri  
Macedoniae & A-  
chiae colligerent  
aliquam facere in  
provinciis funda-  
tione, qui sunt in  
territoriis.*

*Hab. ad Tit. c. 1.  
Reliqua Creta,  
in missis per  
missis Presby-  
teri, sicut & ego  
dicitur.*

*L. & R. de officiis  
magistrorum.*

*Apol. c. 1.  
linea festina Et  
dies que sicut  
sunt in Epis. &  
Ioyne, & Pe-  
trum, & Thya-  
ni, & Ier. &  
Philadelphie, &  
Ephes.*